


ut tertij cerebri uentriculi seu communis dextri sinistriq; uentriculorum concauitatis sedes in conspectum melius ueniret, una cum eius cavitatis meatibus.

- A, A* Cerebri substantiæ adhuc in caluaria reliquæ dextra pars.  
*B, B* Cerebri substantiæ adhuc in caluaria æsseruatæ sinistra pars.  
*C, C, C* Lineæ hic passim conspicuæ illis correspondēt, quas tres modo præcedentes figuræ similiter, cōmonstrarunt. Verum quia huiusmodi lineæ substantiæ uel cerebri diuersitas, inibi duntaxat consistunt ubi cerebrum tenui membrana uiciniū est, præcedentes figuræ eas solum in lateribus ostēderunt. hæc autem quum hic tanta cerebri portio ablata sit, ut iam apparens superficies in basi non procul à tenui membrana distet, etiam lineæ in basi spectantur. Quod itaque lineis hic intercipitur, fuluam seu subpallidam cerebri notat substantiam: quemadmodum sedes *D, D, D* insignitæ. Quod uero extra lineas consistit, alba est prorsusq; candicans cerebri substantia, hic *E, E, E*. *E, E, E* insignita.  
*F* Portio est soporalis arteriæ secundum humiliorem angustiorēq; dextri uentriculi sedem sursum ad plexus secundas imitantis constitutionem prorepens. Caterum si perpendere quis quānam sede hic *F* reponatur, & quānam in sexta figura, promptē expendes, qui dexter cerebri uentriculus, quemadmodum et sinister, ex posteriori sua sede instar cornu arctatus, deorsum in anteriora per cerebri substantiam ducatur. Hic namque ubi plus cerebri substantiæ quā in sexta figura abstulimus, præsens arteriæ portio *F* notata antrosum magis uergit, quā in sexta eādē quoque notans arteriæ portionem, ubi iam posteriorem uentriculi sedem conscendit. Atque id *F* & *G* subsequēntis figuræ magis liquido ostendunt, in qua huius uentriculi ductus nomine, adhuc plus cerebri substantiæ, quā in hac quæ ordine septima est, abstuli.  
*G* Arteriæ soporalis portio secundum humiliorem posterioremq; sinistri uentriculi sedem sursum, quemadmodum arteria *F* insignita, prorepens.  
*H* Humillima sedes tertij uentriculi: quā ut aptius cerneretur, nonnihil distentam sinximus.  
*I* Meatus rectus decliuus ex tertio cerebri uentriculo pertineus, cerebriq; pituitam ad peluim huic excipiente paratam deferens.  
*K* Meatus ex tertio cerebri uentriculo inter cerebri testes natesq; in cavitatem cerebelli et dorsalis medullæ communem pertineus.  
*L* Glandula nuci pineæ non absimilis, & uasorum ex quarto sinu duræ membranæ cerebrum petentium fulcrum.  
*M, N* Hanc cerebri partem testes & nates quoque cerebri appellauimus, hic adhuc tenui membrana obiectas.  
*O, O, etc.* Duræ cerebri membranæ processus portio uel, inter cerebellum & cerebrum reposita. Qui hæc accedunt instar uenarum ductus, partim à primo secundoq; duræ membranæ sinibus, partim uero à quarto pronascuntur.  
*P, P* Duræ cerebri membranæ dexter seu primus sinus.  
*Q, Q* Duræ cerebri membranæ sinister seu secundus sinus.  
*R* Primi & secundi duræ membranæ sinuum congressus, quem Græcorum nonnulli *λινὴς*, quod est torcular appellarunt.  
*S* Principium tertij duræ membranæ sinus.  
*T* Quartus duræ membranæ sinus, similiter atque alij hic adaperius.  
*V* Vas à quarto sinu duræ membranæ in cerebri uentriculos porrectum, hic autem in posteriora ex sua sede reflexum.  
*X, X* Hæc sede cerebellum duræ cerebri membrana non obiectum ostenditur.  
*Y* Ductus uenarum modo à quarto duræ cerebri membranæ sinu in tenuem membranam pertinentes, quæ cerebellum ipsiq; cerebri testes induuntur.  
*Z, Z* Duræ membranæ sedes, quæ omniū totius corporis ossium durissimo, & auditus organum intus continenti adnascitur. Hanc namq; caluariæ regionem cerebro deteximus.

OCTA.



OCTAVAE FIGURAE, EIVSDEMQUE CHARACTERUM Index.

*PRÆSENS* figura à septima in hoc uariat, quod hic adhuc cerebri plus rescuerimus, & testes longa sectione in hoc diuiserimus, ut meatus occurreret ex tertio uentriculo in quartum pertineus. Ad hæc, duræ membranæ portio cerebello obducta, hic dissecta, atque in posteriora reflexa cernitur. Quum itaque præsens figura pleraque cum septima habeat communia, in hac idem *A, A, & B, B, & C, C, & D, D, & E, E, & F, & G, & H*, quod in ad *H*. septima, indicabūt. Verum arteriæ *F* & *G* insignitæ, tanto magis hic quā in septima antrosum uergunt, quanto magis cerebrum uersus basin in septima quā in sexta ablatum est.  
*I* Meatus in sexta etiam figura *I* notatus, qui rectus decliuus fertur, atque cerebri pituitam ad peluim defert.  
*K* Meatus pituitæ deducendæ paratus, qui interdum ab illo deducitur meatu qui ex tertio uentriculo inter testes in quartum uentriculum pertinet.  
*L* Ne *L* in umbra prorsus latitaret, aut si suo poneretur loco, & eius nomine quo in conspectu esset umbra ueniret exculpenda, itaque delineatio hic omnino uitanda, *L* ad anteriorem cerebelli partem repositi, foramen meatumq; notaturus, qui ex tertio uentriculo cerebri in quartum fertur. Quod foramen si *L* in illo locaretur, exprimi neutiquam potuisset.  
*M* Glandulam hic adhuc reliquimus, quæ pineæ nuci formam ostendens, uasorum ex quarto duræ membranæ sinu in cerebri uentriculos pertinentium fulcrum efficitur.  
*N, O, P, Q* Quatuor his characteribus corpus id indicatur, quod ante sectionem unicum est, atque in septima figura *M* & *N* insignitur. hic uero ex sectionis serie diuisum occurrit. ac *N* & *O* eius corporis sedes indicant, quibus testium nomen accommodatur. P uero & *Q*, illas quas nates ferè nuncupamus.

Ff Cere.